

Элстин кирпичн заводин

дуту-дундсас

Элст балгъсна кирпичн завод хавра эклдж бърси, 16 камертă „Кофман“ гидг бешан дуусчкв.

Дакад түүкă кирпич хагсадг гурвн ик сегмүд дуусчкн бääнă. Сегмүд дотрагъур, түүкă шавр кирпич керчдж гаргъдг прессас сегмүд болгъар тōмр вагонеткс йовдг тōмр хаалгъснь цуг ясгддж.

Түүкă кирпич керчдж гаргъдг прессд хойр бригад седж кōдлнă. Негдгч бригадин бригадирнь Тукшинов Василий, мастернь Черкасова Вера. Хойрдгч бригадин бригадирнь Джонов Сарнъ, мастернь Михайлов Виктор.

Эн хойр бригадт кōдлджăх улс цугъар багъчуд. Эдн ницнъгъу, сäänар кōдлад, эладар мōнъг шинъгăхдән дурта. Нургълдж бийсдән гер бърдж авх зōвшал авцхадж. Кōдлмшиннь хōбн шавр кирпич цокад, гермүдиннь сүүрс ясджацхана. Зуг эднă кōдлджасн кōдлмштнь ик гидг дуту-дундс бääнă. Тер дуту-дундсан, одахн хурсн хургтан, Хальмг танъгъчин Советин депутат Эрднин Бадмин—тосхлтин зура ягъдж күүцэгддж йовхин туск ахр сонъсхвр сонъсад, кесг кōдлмшчнр босдж келцхăв.

—Эн пресс-машинд òдртән долан минъгън кирпич гаргъх зурата бидн. Машин эвдрăд зогсад бääдг учрар, òдртән гурвн-дōрвн минъгън кирпич кенă бидн.—гидж ур Черкасов келв.

Мана начальникуд, инженермүд, технорук эн дуту-дундиг уурулхин тускар тōрүүц юм кежăхш. Май сарин 16-с авн ода кūrтл хойр бригад 140 минъгън түүкă

кирич кедж гаргъв бидн. Кемр мана машин зогсл уга кōдлсн болхла, хойр холванднь күүцăх билă бидн.

Ур Тетеев келв.

—Би арвн долан джилд Сталинградин тракторн заводт кōдллăв. Ягъдж кōдлдг, ягъдж зура күүцăдгинь сән меднăв. Би уунд ирсн òдран эн пресс-машинă чидл татугъинь келлăв. Транспортер деер арвдж уга эладар шавр тăвхлă, зогсдж одна. Машин зогсхла манд кедг кōдлмш уга болна. Кōдлмш уга болхла олвр уга болна. Олвр уга болсн учрар ма

заводас амтн зулцхана. Эн машин сäänар кōдлтхă гихлă, чидл иктă электро-мотор тăвх кергтă. Эн тōрар бидн дань келнă бидн. Мана келснд, директор Погребной, инженер Чонов, технорук Сробуцев ахта оньган òгцхăхш, —гив.

Дакад механик Илюмджинов Николай келв. Мотор зогсхла эс гидж эвдрхлă үкс гигъад ясхар седхлă кергтă зер-зев уга болна. Эраснă гайк эргүлдг тұлкүрин бийнь уга.

Ик тōгă эргүлдг сур хуучн болад, òдр болгън тасрна. Тасрсинь ясад уйхар седхлă атхм, чимкүр, шүүнч, отвертк, шōвг цуг уга болна. Иим кергтă зер-зев мана толгъачнр оладхш. Эн хамг дуту-дунд мана кōдлмшт ик гидг саалтг болна, —гив.

Нань чигн кесг кōдлмшчнр: Тукшинов, Михайлов, Кандуков ахта келцхăв. Джонов Сарнъгин бригад Тукшино бригад хойр кōдлмшан сäänар, шаг угагъар кехмн гидж дōрлдă кех болдж күүндцхăв.